



DASAR KESIHATAN, KESELAMATAN DAN ALAM SEKITAR

Kumpulan Pirelli menganggap perlindungan terhadap kesihatan dan keselamatan, kesejahteraan pekerja dan melindungi alam sekitar dan biodiversiti sebagai nilai-nilai teras dalam menjalankan dan membangunkan perniagaan.

Strategi pembangunan mampan Kumpulan melaksanakan penambahbaikan yang berterusan dalam aspek kesihatan dan keselamatan pekerjaan serta alam sekitar, mematuhi Nilai dan Kod Etika Pirelli dan selaras dengan Model Kemampunan yang dibayangkan oleh Kompak Global Pertubuhan Bangsa-Bangsa Bersatu, “Deklarasi Prinsip-prinsip Asas dan Hak di Tempat Kerja” dan “Deklarasi Rio mengenai Alam Sekitar dan Pembangunan” oleh Pertubuhan Buruh Antarabangsa, dan dengan niat untuk menyumbang kepada matlamat global Pertubuhan Bangsa-Bangsa Bersatu bagi pembangunan mampan.

Secara khususnya, Pirelli:

- berjanji untuk mentadbir aktiviti-aktiviti berkenaan dengan perlindungan kesihatan dan keselamatan pekerjaan serta alam sekitar, dengan mematuhi sepenuhnya peraturan antarabangsa, kebangsaan dan tempatan yang terpakai dan semua komitmen sukarela yang ditandatangani, termasuk yang selaras dengan standard pengurusan antarabangsa tertinggi;
- berusaha mencapai matlamat "kemalangan sifar" dan "tiada kecederaan diri" dalam persekitaran kerja yang sihat dan selamat, dengan mengenal pasti, menilai, mencegah dan melindungi daripada risiko-risiko kesihatan dan keselamatan pekerjaan secara berterusan, penyingkiran segera sebarang kemungkinan yang boleh menjadi punca kemalangan, melaksanakan pelan pemantauan kesihatan pekerja berhubung tugas-tugas tertentu;
- menyokong pembangunan program untuk menambah baik kesejahteraan mental dan fizikal serta keseimbangan antara kerja dan kehidupan peribadi;
- menggalakkan rundingan dan penyertaan para pekerja dan wakil mereka dalam hal-hal berkenaan kesihatan dan keselamatan pekerjaan;
- menjalankan perlindungan alam sekitar dengan mengenal pasti, menilai, mencegah dan mengurangkan risiko-risiko alam sekitar secara berterusan di sepanjang rantai nilai;
- komited untuk meminimumkan kesan ke atas biodiversiti, ekosistem dan perkhidmatan ekosistem berkaitan bagi unit perniagaan, mengguna pakai prinsip "tiada kerugian bersih biodiversiti" melalui "hierarki mitigasi" (iaitu mengelakkan, meminimumkan, memulihkan dan mengimbangi);
- berhati-hati dengan meminimumkan operasi di kawasan dan/atau tapak yang dilindungi yang relevan dengan biodiversiti¹ dan/atau mempunyai kepentingan=nilai tertentu, dan memastikan pilihan sebarang tapak pengeluaran baharu dilakukan dengan menghormati kawasan yang dilindungi, memastikan pemeliharaan biodiversiti, perkhidmatan ekosistem dan mengelakkan pembasmian hutan.
- berjanji untuk membangunkan proses pengeluaran dan produk yang mematuhi prinsip-prinsip ekonomi pekeliling, diterjemahkan kepada pendekatan "5R" (Re-think – Refuse – Reduce – Reuse – Recycle), untuk meneruskan pengurangan perubahan iklim dan penyahkarbonan progresif di sepanjang rantai nilai, penggunaan yang bertanggungjawab

¹ Tapak yang relevan untuk biodiversiti – Tapak yang mengandungi biodiversiti di peringkat global, serantau atau kebangsaan (“Biodiversiti Kritikal”): kawasan/habitat/spesies dilindungi; spesies yang dikelasifikasi sebagai Terancam Kritikal, Terancam atau Mudah Terjejas pada Senarai Merah IUCN, spesies endemik; kawasan yang diiktiraf Antarabangsa (Tapak Warisan Dunia, Tanah Lembap Ramsar, Program Manusia dan Biosfera UNESCO).



dan pengurangan penggunaan sumber asli ("Pengawasan Sumber"), dan meminimumkan pelepasan bahan cemar;

- membangunkan dan melaksanakan program pengurusan kecemasan yang direka untuk mencegah kemudaratian kepada manusia dan alam sekitar sekiranya berlaku sebarang kemalangan;
- mentakrifkan, memantau dan menyampaikan matlamat khusus kepada Pihak Berkepentingan bagi penambahbaikan kesihatan dan keselamatan serta alam sekitar yang berkaitan dengan proses, produk dan perkhidmatan secara berterusan di sepanjang kitaran kehidupan;
- memperkasakan, melatih dan memotivasi kakitangan tentang cara untuk bekerja dalam suasana yang selamat dan mesra alam sekitar, melibatkan setiap peringkat organisasi dalam sebuah program latihan dan maklumat yang berterusan dan direka untuk menggalakkan budaya kesihatan dan keselamatan pekerjaan dan rasa hormat terhadap alam sekitar, termasuk untuk memastikan tanggungjawab dan prosedur syarikat berkenaan bahagian ini dikemas kini, disampaikan dan difahami sebagaimana yang sepatutnya.
- bekerjasama dengan aktif di peringkat antarabangsa dan tempatan dengan pihak institusi, akademik, badan bukan kerajaan dan industri yang berkenaan dengan pengawalseliaan, kajian dan pengurusan mampan bagi isu-isu yang ditangani dalam Dasar ini;
- memerlukan para pembekal untuk melaksanakan model pengurusan di tapak mereka dan di sepanjang rantaian bekalan mereka tentang kesihatan dan keselamatan pekerjaan, menjaga alam sekitar, melindungi biodiversiti dan ekosistem, mencegah penebangan hutan, memulihara dan menggunakan sumber asli secara bertanggungjawab, mengikut standard antarabangsa serta undang-undang dan peraturan negara tempat ia beroperasi..

Bagi mencapai nilai-nilai yang dinyatakan dalam Dasar ini, Pirelli telah melaksanakan sebuah sistem pengurusan yang bersepada, berstruktur dan dinamik yang memberi tumpuan terhadap penambahbaikan berterusan, berdasarkan amalan terbaik dan standard antarabangsa yang diiktiraf yang berkaitan.

Pihak pengurusan atasan Pirelli, disokong oleh Jabatan Kesihatan, Keselamatan dan Alam Sekitar serta jabatan-jabatan lain yang terlibat secara pelbagai (sebagai contoh, tetapi tidak terhad kepada, jabatan R&D, Kemampanan, Pembelian, Kualiti, Pembuatan, Pengurusan Risiko Perusahaan) mempunyai peranan strategik dalam pelaksanaan penuh Dasar ini, memastikan penglibatan semua kakitangan dan mereka yang bekerjasama dengan Pirelli, agar tingkah laku semua pihak adalah selaras dengan nilai-nilai yang terkandung di sini.

Pelan dan keputusan dilaporkan dalam Laporan Tahunan Kumpulan selepas mendapat kelulusan daripada pihak Lembaga Pengarah.

Pirelli telah menyediakan sebuah saluran kepada semua Pihak Berkepentingan ("Dasar Pendedahan Maklumat - Prosedur Pelaporan," yang diterbitkan di laman web Pirelli) untuk melaporkan, walaupun secara tanpa nama, sebarang situasi, yang melanggar Dasar ini, membentuk atau mungkin menimbulkan risiko perlindungan kesihatan, keselamatan dan kebajikan orang ramai serta untuk perlindungan alam sekitar.

Dokumen berkaitan dengan dasar ini:

- [Kod Etika](#)
- [Dasar Hak Asasi Manusia Global](#)
- [Dasar Pengawasan Produk](#)
- [Dasar Getah Asli Mampan](#)



- [Dasar Kualiti Global](#)
- [Dasar Pendedahan Maklumat - Prosedur Pelaporan](#)

Jun 2022

NAIB PENGERUSI EKSEKUTIF & KETUA
PEGAWAI EKSEKUTIF

Marco Tronchetti Provera